

瀏陽陶氏譜序

陶先生燮菴偕其昆玉纂修家譜薦紳先生皆序之其本系則自靖節上而遡之至放叔世凡三十五由下而迄遷瀏之全明公世凡三十七比於歐蘓譜例第以知見爲斷者不更詳且覈哉妹丈理葦於先生爲伯仲行頃以會稿至其家樂敷晨夕者累日與之談譜事因間全明遷渤之則邑中之陶固皆所譜同源分流者也於穆令族何不合修焉以昭雍睦顧乃各修一支何也先生曰我基祖全明公與全慶公兄弟由新溪自明來劉繼繼繩繩稱望族焉而全慶公一支借新建父老修明已三十餘載爾時伯父毅齋公協眾往修而人心渙散遂爾中止爰於甲戌年會我宗族醵金起息迄今蒸嘗有祀皆諸伯父與吾父力也譜牒之修適以續成先志耳敢藉以爲族屬榮盛哉且我靖節公令彭澤解組歸田樂道不仕不汲汲於富貴不戚戚於貧獨其於象賢之思愴無已命子責子諸什藹然可見宣雖未能干青雲而上要當偕我宗人交相激勵厚培焉以俟發祥流慶之不爽則今日述祖德頌先芬續修譜牒昭示來茲責固不容以他諉者也第念譜牒之修所係匪輕每嘗嘆今之修譜者或攀援望族如閔子之逢避華肖老之耳孫纏至哭濟陽之墓認昭之叔大可胡盧者指不勝部或有譜其所知不至冒濫而數典而忘編序無倫貽不醕不備之憾者有之又或有手訂家乘予智自雄假名紳宿自爲標榜問其譜曰族譜披覽焉適成一部自掄史斯又不能信今而傳後宣於秉筆下痛掃陋習未知其有當於名公先生否也向於遊嶽時得交曠大史先生彼此敬愛臨別

贈言喜其原委確鑿紀律嚴明不爲游揚薦譽之辭於家乘誠有光焉譜牒行告成矣
吾子其進教之幸甚予展卷披閱見其分門別類彙爲十卷編紀詳序次謹誠不類乎今時陋
習予直等諸游夏之莫贊而已爰退而疏先生之說以序

同學安溪姻教弟黎中德民懷氏

拜撰

公元二零二五年夏月

重刊